

سهلکی در سعادت ایچون مجیده
بکرمی غروش حسابیه التمش
غروشدر

طهره ایچون پوسه اجرتی اوله رق
اون بش غروش ضم اولنور

نسخه سی ٤٠ پاره در

قانون مجازات

ابوه اولق ایستیلر دأره عدلیه ده
اداره مخصوصه سنه مراجعت
ایملیدر

اعلاناک بهرندن بر مجیده احد
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تعلیحات

٥٩٩ نومرولی نسخه ده مندرج نظامنامه نك

بقیه سی:

قرق التنجی ماده برکسنه دیگر کسنه دن
«سن فلانک وکیلک» دیودعوا ایدوبده اول کسنه
انکار ایتدیکی صورتده کندوسنه یمن ویرملک لازم
کلیه جکی کی ایکی کشینک هر بری برکسنه نك یدنده کی
مالی اندن اشترا ایتدم دیو دعوی ایدوبده اول کسنه
برینه صاندیغنی اقرار ایله دیگرینک دعواسنی انکار
ایتدیکی صورتده کندویه یمن توجه ایتماز.

سکزننجی فصل

دعاوی جزائیته نك کیفیت رؤیتی بیاننده در

قرق یدنجی ماده دعاوی جزائیته یا متضرر
اولان ادمک شفاهاً وقوعبولان ادعا وشکایاتی
ویا خود مختار و دیگر هیئت اختیاریه اعضاسی و بکچی
وقورنجی کی ضابطه عدلیه وظیفه سنی حائر اولانلره
جرمک وقوعنه کسب اطلاع ایدن اشخاص سائر نك
اخباراتی اوزرینه رؤیت و تدقیق اولنور انجق مختاران
ایله هیئت اختیاریه دن اخبار کیفیت ایدنلر عندالایجاب
مخبر صقیله ده جلب واستماع اولنه جقلمی جهته بومثللو
دعاوینک محاکمه سنده بولنه رق اعطای رأی ایده مزملر.

قرق سکزننجی ماده ناحیه مدیرلری قباحث
وجنحه درجه سنده بولنلر هر نوع جرائمی تحری
وبولنر متدائر اخبارات وشکایاتی حاوی بیاننامه لری
اخذ ایدرک دلائل و اماراتی مبین ضبط ورقه سنی
تنظیم ایتک وجرائم مشهوده ایله جنایاته دأر اولان
افعال وحرکاتدن طولانی مرکز قضاده بولنلر
مأمورین عدلیه در حال اخبار وقوعات ایتکله برابر
برطرفدن فاعلنک در دستیه برابر منع فراری امرنده
تدابیر لازمه اتخاذ و دیگر طرفدن دخی جرم واقعک
دلائل ثبوتیه سیله استعمال اولنلر اسلحه والات
وادوات سائرینی جلب وجمع ایلک خصوصاته متفرع
اولق اوزره اصول محاکمات جزائیته قانوننک کندو.

لرینه تودیع ایلدیکی وظائفی کماکان ایضایه مجبوردر.
قرق طقوزنجی ماده ناحیه مجلسلرنجه قطعاً
ویا قابل استیناف اوله رق رؤیت اولنه جق مواد
جزائیته نك مظلونلری سکزننجی ماده ده کوسترلدیکی
اوزره با پوصله جلب و دعوت اولنور واولجه ترتیب
و تنظیم اولمش ضبط ورقه لری موجود اولدیغنی وایشده
مدعی شخصی دخی بولندیغنی حالد اول امرده اشبو
ورقه لر طرفین مواجهه سنده قرائت و مندرجاتی
ایضاح اولنه رق بعده مدعی شخصینک صورت شکایت
وطلبی ومظلون علیک بوباده کی مدافعاتی استماع
قنلور میدانده ضبط ورقه سی بولناماسندن ویا خود
ناقص و غیر واضح بولندیغنی ویا ساخته لکی ادعا
قلمسندن ناشی مدعی جانبندن اقامه ایدلک ایستیلان
شاهدلرک جلبنه لزوم کورندیکی تقدیرده کرک بولنرک
و کرک جرم واقع حقنده معلومات و مشهوداتی اولوبده
هیئتک تنسییه دعوت ایدیلر جک اولان مخبرلرک
ناقص وزائد اولیه رق حقیقت حالی سولیه جک لرینه
دأر هر برینه یمن ویردیرلر کدن صکره معلوماته مراجعت
وثبوت جرمه کافی دلائل و امارات دخی تحقیق
وتحریر اولنور ذکر اولنلر ضبط ورقه لرینک
موثوقیتی حالنده بولنر و عکسی صورتده اخبارات
وشهادات واقع ایله دلائل و امارات سائریه بناء
مظلون علیک ثابت اولان جرمک جزای قانونیسی
تعین قنلور وادعا قلنان ماده نك مستلزم جزا بر فعل
وحرکتدن معدود اولندیغنی تقدیرده معاملات جاریه نك
فسخ وابطالی و میدانده حکمه کافی اخبارات ایله
دلائل و امارات غیر موجود اولدیغنی صورتده کورده ده
مظلون علیک منع محاکمه سی بولنده قرار اعطا
اولنقله برابر یوز الی غروشدن فضله اولمیان تضمینات
دعوالرینه ده باقیلور مظلون علیک پدیری ویا جدی
واولاد و احفادی و برادر و همشیره لرله بودرجه ده
قراچی اولانلردن و طلاق وقوعندن صکره بیله زوج
وزوجه دن هیچ برینک شهادتی مقبول دکدر انجق
بومقوله شاهدلر استماع اولنوبده مظلون ومدعی
شخصی طرفلرندن اعتراض وقوع بولندیغنی صورتده
شهادات واقع لری مدار حکم اولور.

التنجی ماده مواد جزائیته دن طولانی معلوماتنه
مراجعت اولمشق اوزره جلب اولنوبده حضوردن
امتناع ایدن شاهدلر دفعه ثانیته ناحیه نك ضابطه
عدلیه سی معرفتیه جبراً کتوردیلور شوقدرکه دعوت
واقعیه اجابت ایتیمان شاهدک خسته لق کی معذرت
مشروعیه سی اولدیغنی واستماع اولنلر دیگر شاهدلرک
اخباراتی دخی حکمه کافی کورندیکی تقدیرده مجلس
اعضاسندن بری ناحیه کاتیبه معاً محل اقامته اعزام
اولنه رق افاده سی آلنور.

الی برنجی ماده جزا دعوالرینک تدقیق
ایچون دعوت اولنلر مدعی علیهم ایله مظلونلرک
بلا عذر یوم معینه اثبات وجود ایتدک لری صورتده
دعاوی مذکوره آنفاً بیان اولندیغنی اوزره غیاباً
بالرؤیه حکم وقراره ربط اولنور والی التنجی ماده ده
تعین قلنان مدت ظرفنده مراجعت وقوعیه سرد
و ایراد اولنلر اعتراضات اوزرینه تدقیقات لازمه
بالاجرا نتایج حاصلیه کوره حکم غیابینک فسخ
وتصدیقنه ومدت معینه سنک مروری حالنده حق
اعتراضک سقوطنه قرار ویریلور وحزایه متعلق سائر
مقررات غیابیه نك اسباب حکمیه سی علیهنده درمیان
اولنلر اعتراضاتک تدقیقه ایجابنه کوره تکرار قرار
ویریلور ومدت معینه سنک مرورندن صکره وقوع
بولان مراجعت بوسیدن طولانی رد اولنور.

الی ایکنجی ماده هر نوع قرارلر یوم محاکمه ده
رئیس ایله برابر موجود اولان اعضانک اتفاق ویا خود
نصفندن بر زیاده سنک اکثریت آراسیه ویریلور
تساوی وقوعنده رئیسک بولندیغنی طرف اکثریت
قرانمش عد ایدیلور.

طقوزنجی فصل

مقررات واقع علیهنده اعتراض واستیناف وتمیز
طریقلرینه صورت مراجعتی وبولنرک تابع اولدیغنی
مدت لری بیان ایدر

الی اوچنجی ماده دعاوی حقوقیه حقنده
کرک صلحاً و کرک قطعاً لاحق اولان وجاهی قرارلردن
طولانی طرفینک ایستدک لری حالد اصول محاکمات

حقوقه قانونك تعريفاتى دائره سنده استيناف وتميز محاكمه وغيايى قرارلر عليهنده دخى اعتراضاً حكيمى ورن نواحى مجالسه مراجعت ايده بيله جكلى كپى غيايى قطعياً وريبلان مقررآت جزائيه دن طولايى كذلك مجالس مذكوره وقابل استيناف اولان غيايى قرارلر اوزرينه ايستدكلى حالده با اعتراض وياستيناف دعوايى طريقلرله وقسم وجاهيلر ايجونده طوغريدن طوغرى به زيرده مرقم اللى يدنجى ماده ده كوستريلان مرجع استينافه مراجعت صورتيه ايشك تكرار اجراى تدقيقاتى طلب واستندا ايلك صلاحيتلى محفوظدر .

الى دردنجى ماده ناحيه مجلسلرندن وريبلان مقررآت ايجون اعلامات تنظيم واعطال اولميسوب مقررآت مذكوره زيرده مرقم نمونه لر وجهله دفتر مخصوصه قيد وزيرى هيئت طرفندن امضا وتخير اولندقدن سكره شفهاً طرفنه تفهيم قلنور اتحق دعاوى حقوقيه نك قسم غيايسته عائد قرارلر قيدى صورتى مرحالده محكوم عليهم تبليغ اولمىغله برابر قسم وجاهيستنك صورت مصدقلى عند الاججاب دائره اجرا معرفتيه تنفيذ ايتديرك وياخود عليهنده استيناف وتميز دعوايى اقامه ايدلك ايجون طلب وقوعنده طرفينه ومواد جزائيه متعلق مقررآت غيايه نك دخى صورت مخرجه لى اصول محاكمات جزائيه قانونك يوز الى سكرنجى ماده سنده محرج اعلام تبليغ مقامه قائم اولمى ووزره محكوم عليهم كندوسنه ويا اقامتگاهنه تبليغ واعطال اولنور ومواد مذكوره حقننده وجاهى قرارلرى در حال وغياباً لاحق اولان مقررآتك اعتراض مدتى مرورندن سكره دفتر مذكور دن اخراج وتصديق اولنه جق قيدى صورتلرى ده لاجل التنفيذ قضا بديت محكمه سى زردنه بولنان مدعى عمومى معاونه كوندربولر .

الى استنجى ماده ماده سابعده كوسترلديكى وجهله تابع تبليغ اولان مقررآت غيايه عليهنده كى اعتراض واستيناف وتميز مدتلرستك مبدأى تبليغ تاريخلى ومتهاى دخى ناحيه مجلسلرينه وقوعبولان مراجعت ايله استيناف وتميز دعوى اولنديغى ناطق تنظيم اولنه جق عرخلالرك قضا محاكمه تاريخ قيدلرى اولديكى كپى وجاهاً وريبلان قرارلرك مدتى ايجون مبدأى تفهيم تاريخى ومتهاى كذلك مراجعت وقيد تاريخلىدر .

الى التنجى ماده مواد حقوقيه ده يالكز اعتراض مدتى سكرن كون اولوب استيناف وتميز مدتلرى اصول محاكمات حقوقيه قانونى احكامه توفيقاً جريان ايدر ومواد جزائيه اصول محاكمات جزائيه قانونك صراحتى دائره سنده اعتراض مدتى بش

واستيناف مدتى اون وتميز مدتى سكرن كوندن عبارتدر .

اوتنجى فصل

ناحيه مجلسلرينك مرجع استينافله قرارلرينك صور اجرائيه سى بيانندهدر

الى يدنجى ماده ولايات والويه مركزلرينه مربوط نواحى مجلسلرينك مرجع استينافى ولايت والويه مركزلرندن بولنان بديت محاكمى وقضالره مربوط ناحيه مجلسلرينك مرجع استينافى دخى مربوط اولديكى قضايديت محكمه سى اولوب مجالس مذكوره دن وريبلان قرارلرك تنفيذ واجراسى معامله سى ده محاكم مذكوره نك مأمورين عدليه سى جانبدن ايفا اولنور .

الى سكرنجى ماده قضا محاكمك نواحى مجلسلرى مقررآتى استينافاً رؤيت امرنده كى وظائفى ايله تميزاً تدقيقى كيفيتى قوانين عموميه به ودوائر اجرائيه عائد معاملات تنفيذيه ده قانون مخصوصه توفيقاً جريان ايدر .

مواد متفرقه

الى طسقوزنجى ماده نواحى مجلسلرينك وظائف عدليه سته متعلق معاملات ومقررآتى ناطق بالجله اورا قه تماقوبلى ربط والصالق التماز وطرفندن هيج برنام ايله خرج رسم آتماز .

التنجى ماده قضا مدعى عمومى معاونلى هرا وچ آيده بركره ناحيه مجلسلرى معامله تى تدقيق ايله اشبو تعليمات توفيقى حركت اولنوب اولمىديغى عدليه مفتشالرينه تحريراً بيان ايدر ومفتشالر جانبدن دخى تدقيقات واشعارات واقعه نتايجنه كوره اقتضا ايدن معامله اتخاذ واجرا اولنور .

التش برنجى ماده اشبو نظامنامه احكامك اجراسته عدليه نظارتى مأموردر .

الى دردنجى ماده ده كوستريلان قيد صورتى نمونه لى

صلى وائر

فلان قريه اهاليستدن فلان طرفندن بائجه سنده مزروعاة فلانك ايقاع ايلديكى خسارك تضمينى طابى حارى اقامه اولنان دعوا دن طولاي مدعى عليه مزبور فلان ايله حاضر بولان مدعينك رضا وموافقلى اوزرينه مدعى عليه مرقومك تضمينات اوله رق يوز غروش اعطال ايتك اوزره دعاوى مذكوره صورت صالحيه به ربط ايدلس اولديغندن بدل صالح اولان مذكور يوز غروشك مزبور فلان دن تحصيله متفقاً قرار وريهلرك طرفينه تفهيم اولندى . فى سته

مواد حقوقيه قرار اوزرينه وريهلره

قراك صورت قيدى

فلان قريه اهاليستدن فلان اوغلى فلانك يوميه اوله رق فلان دن طلب ايلديكى شو قدر غروشك بورجى اولديغى مدعى عليه فلان حضور مجلسده اقرار ايلديكندن مبلغ مزبورك كندوسندن تحصيله دائر متفقاً وريبلان قراك تفهيمى اجرا قلندى .

فى سته

مواد مذكوره دن طولاي اقامه اولنانه مرقومك شهادت

بنا وريهلره قراك صورت قيدى

فلان قريه اهاليستدن فلانك حيوان كراسى وذخيره بدلى اولمى اوزره فلان دن طلب ايلديكى شو قدر غروشك مدعى عليه مرقوم طرفندن انكار اولمىنه قارشو مدعى جانبدن شاهد اوله رق اقامه اولنوب عند التزكه مقبول الشهاده اولدقلى اكلال شيلان فلان وفلانرك شهادتيله مدعى عليه فلان ذمتده مدعينك الاجنى اولديغى ثابت اولديغندن اكثريت آرا ايله قرار وريهلرك تفهيم اولندى .

فى سته

مواد جزائيه دن طولاي وريهلره قرار

قطعيتك صورت قيدى

فلان قريه اهاليستدن فلان اوغلى فلانك تنبيهاته مغاير اوله رق سواقعه سوپروتى دوكدىكى جلب ايله معلوماتلرينه مراجعت اولنان فلان وفلانك اخباراتيله ثابت اولديغندن جزا قانوننامه هايونك ايك يوزالى دردنجى ماده سى احكامه توفيقاً حركت واقعه سندن طولاي مزبور فلان دن ايكى بشلك جزاى نقدى اخذينه متفقاً قرار وريهلرك كندوسنه تفهيم اولندى .

فى سته

مواد مذكوره حقنه قابل استيناف اولدى

وريهلره قراك صورت قيدى

فلان قريه اهاليستدن فلانك وقوعبولان اخبار وشكايت اوزرينه اهاليستك راحتى سلب ايدى جك صورتمده بلا موجب كورلى وشماه ايلديكى جلب واستماع اولنان فلان وفلانك اخباراتيله تحقيق ايتديكندن جزا قانوننامه هايونك ايك يوزالتنجى ماده سى حكمنه توفيقاً مرقومك اوج كون حبسنه وكندوسندن اون بشلك جزاى نقدى اخذينه قابل استيناف اولمى اوزره متفقاً قرار وريبلوب كندوسنه تفهيم قلندى . فى سته

واقع مخبرلرك اخباراتنه مبتنى اولوب معترض مرقوم جانبندن درميان اولنان اعتراضات دخى شو اخباراته قارشو غير وارد بولنش اولديغندن اعتراضات مذكوره نك رديله قرار غيايى سابقك تصديقه قرار وريهلرك امر تفهيمى اجرا قلندى .

فى سته

فى ۱۹ جاذى الآخره سته ۳۲۵

وفى ۱۷ تموز سته ۳۲۳

فى سته

محاكماتى مقررآت

يوسف جاشك قيسى كليدى شكسته برأس كچيسى سركت ايلكلى ادا اولمىستدن دولايى جنائيله اتهام اولنان حسن بن كل محمود ورفيقى اسماعيل اوجر سته مدته كوركه قونلرينه دائر قيرشلى سنجاعى بديت محكمه سى جزا دائره سندن وريبلان ۳۳۷ نومرولى اعلام

محمد موسى قتل ايلديكى ادا اولمىستدن دولايى جنائيله اتهام اولنان شاكر بن عاينك اون بش سته مدته كوركه قونلرسنه دائر دراج سنجاعى بديت محكمه سى جزا دائره سندن وريبلان ۳۲۷ نومرولى اعلام

حافظ اوغلى مصطفى قتل قصدى اولمىستدن ضرب ايله وفاته سببت ويرديكى ادا اولمىستدن دولايى جنائيله اتهام اولنان محمد بن خليل بش سته مدته كوركه قونلرسنه دائر ارضروم ولايتى استيناف محكمه سى جزا دائره سندن ايكنجى دفعه اوله رق اعطال قتلان ۴۲ نومرولى اعلام

عمرى قتل قصدى اولمىستدن ضرب ايله وفاته سببت ويرديكى ادا اولمىستدن دولايى جنائيله اتهام اولنان عرب احمد بن احمد التى سته مدته كوركه قونلرسنه دائر درسعادت جنابت محكمه سندن اعطال قتلان ۱۵۱ نومرولى اعلام محكمه تميز جزا دائره سنجه تصديق قلمشدر .

فى سته

محاكماتى نذباتيه

برغمه قضاسى نائى وبديت محكمه سى رئيسى محمدنورى ومحكمه مذكوره مستطق سابق ولاحق اعضادن استباط وحسن حلمى ومستطق معاونى قدسى ومدعى عمومى معاونى وكلى على رضا افنديلرك خلاف اصول وقانون معاملات تصدى ايلكلى آيدن وجزاير بخرسفيد ولايتلى عدليه مفتشلكندن

وارد اولان اوراق تحقيقه محتوياتندن مستبان اولسنه مبتى محاكمه آلتله آلتلرينه عدليه نظارت جليله سنجه ماذونيت وريهلرك محله تبليغات مقتضيه اجرا ورئيس مومى ايلك كيفيت محاكمىستدن طرف على مشيختناهى به ده معلومات اعطال ايلشدر .

اعلان

درسعادت استيناف مدعى عمومى بلكنده :

حيله مفس اولدقلى ادعاسيله متم اولان ومقدما بالق بازارنده يوز الخش يدى نومرولى دكانده صرافلق ايتكده ايكى فرار ايدن يكرى بش ياشنده يانيلى اسپرو جافه رى ايله مرقومك شريكى اولوب كذلك حال فرارده بولنان بقال كويلى يكرى اوج ياشنده پنايوط ولد حاجى پريكينك اجرا قتلان محاكمه غيايه لى نتيجه سنده مرقومك حيله وديسه ايله افلاس ايتدكلىرينه دائر بركونه دليل واماره موجود اولمىوب اتحق مرقومك تسبب ايله افلاس ايتدكلى ثابت اولديغندن قانون جزائك ايكى يوز اوتوز ايكنجى ماده سته توفيقاً التيشر مامدته حبسه قونلرينه محكمه جانبدن قرار ويلمش اولغله اعلان كيفيته ابتدار قلندى .

فى سته

تجارت بحريه حكمنده :

استانبولده تمخيص زقاغده ساكن ايكى تجارت بحريه محكمه سندن افلاسه حكم اولمش اولان عطاريه تجارندن قوو وطباح شركتك خصوصات افلاسيه سنك رؤيت وتسويه سى ضمنتده دعوى وكيلرندن رسائى بلكه مارقو ناحوم افندى اصالة سنديك تعيين قلمش اولدقلى مفس مرقوم ذمتنده آله جنى اولانلرك قانوننامه تجارتك ۱۹۹ و ۲۰۰ نجي ماده لى موجبنه تحقيق ديون ايجون تاريخ اعلان دن اعتباراً يكرى بركون طرفنده سنداتى محكمه كاتنه تسليم ايللى ومدت مذكوره ختامندن سكره اوج كونده يعنى ۳۲۳ سته سى اغستوستك يكرنجى بازار ايرسى ويكرى برنجى صالحى ويكرى ايكنجى چهارشنبه كونلى تجارت بحريه محكمه سنك افلاس معاملاتنه مخصوص اوطه سته كلرك سنديك افنديلر مواجه سنده آله جقلىرى اثبات وقيد وتصديق ايتديرملرى ومدت مذكوره اثبات وجود ايدمىان آله جقلىر حقتده قانون مذكورك ۲۱۰ نجي ماده سته توفيقاً ايفاي معامله اولنه جنى اعلان اولنور .

~~~~~



بک اوغلانده تکیه جاده سنده ۴۸۸ نومرولو مغازده ساکن ایکن تجارت بحریه محکمه سندن افلاسنه حکم اولمش اولان کتایبی صوتیریدس نیاروسک خصوصات افلاسیه سنک رؤیت وتسویه سی ضمنده دعوی وکیللرندن قسطنطین قاپوس وشارام قرانجیان افندیلر اصالة سنديک تعین قلمش اولد. قلدندن مفلس مرقوم ذمتنده آله جفی اولانلرک قانوننامه تجارتک ۱۹۹ و ۲۰۰ نجی ماده لری موجبنه تحقیق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایللری ومدت مذکوره ختامندن صکره اوچ کونده یعنی ۱۳۲۳ سنه سی ایلونلک اوچنجی بازار ایرتسی ودردننجی صالی وبشنجی چهارشنبه کونلری تجارت بحریه محکمه سنک افلاس معاملاته مخصوص اوطه سنه کله رکن سنديک افندیلر مواجهه سنده آله جققلری اثبات وقید وتصدیق ایتدیرملری ومدت مذکوره ده اثبات وجود ایدهمیان آله جققلر حقنده قانون مذکورک ۲۱۰ نجی ماده سنه توفیقاً ایفای معامله اولنه جفی اعلان اولنور .

استانبولده محمود پاشاده یوزسکسان ایکی نومرولو دکانده شکرله جی یورکی مبیاعه جی اوغلنک ۲۱ حزیران سنه ۳۲۳ تاریخندن اعتباراً اعلان افلاسنه ومصالح افلاسیه سنک رؤیت وتسویه سی ضمنده اعضای محکمه دن سعادتلو ابراهیم بکک ژورقومیسر ویورداناک خرمیلیدی افندیلک موقت سنديک تعینلرینه ومغازه سیله اشیا زائده بیتیه سنک تمهیرینه واوراق ودفاترک جنبه وكفالت ارئه ایدهمز ایسه حبس وتوقیفنه وبوباده کی قرارک موقتاً اجراسنه تجارت بحریه محکمه سنجه قرار ویرلمش اولدیغندن قانوننامه تجارتک ۱۷۰ نجی ماده سی موجبنه دائمی سنديکلاتر انتخاب اولنق اوزره ۱۴ اغستوس سنه ۳۲۳ صالی کونی ساعت یدى راده لرنده اصحاب مطلوبک محکمه مذکورنک مصالح افلاسیه رؤیتنه مخصوص اوطه سنه کللری اعلان اولنور .

غلطه ده طوپخانه جاده سنده دکانده ساکن ایکن تجارت بحریه محکمه سند افلاسنه حکم اولمش اولان بقال یانی قره کوجکی ذمتنده آله جفی اثبات ویا موقتاً قبول وقید ایتدیرمش اولان آله جققلرک قانوننامه تجارتک ۲۱۱ نجی و آنی ولی ایدن ماده سی موجبنه مفلس طرفندن تکلیف اولنه جق قونقورداتونک مذاکره سی ایچون ۳۲۳ سنه سی اغستوسک طقوزنجی پنجشنبه کونی محکمه مذکورنک مصالح افلاسیه رؤیتنه مخصوص اوطه سنه کللری اعلان اولنور .

### ایکینجی تجارت محکمه سنه :

درعلیه ده تحت قاعده مصطفى پاشا خاننده مقیم تجاردن ژوزف آمونک ۳۱ تموز سنه ۳۲۳ تاریخندن اعتباراً اعلان افلاسنه ومصالح افلاسیه سنک رؤیت وتسویه سی ضمنده اعضای محکمه دن عزتلو صبری بکک ژورقومیسر ودعوی وکیللرندن اوخالس باراویان افندیلک موقت سنديک تعیننه ومغازه سیله اشیا زائده بیتیه سنک تمهیرینه واوراق ودفاترک جنبه وكفالت مصدقه ارئه ایدهمدیکی تقدیرده حبس وتوقیفنه وبوباده کی قرارک موقتاً اجراسنه ایکینجی تجارت محکمه سنجه قرار ویرلمش اولدیغندن قانوننامه تجارتک ۱۷۰ نجی ماده سی موجبنه دائمی سنديکلاتر انتخاب اولنق اوزره ۳۲۳ سنه سی اغستوسنک اون بشنجی چهارشنبه کونی ساعت التی راده لرنده اصحاب مطلوبک محکمه مذکورنک مصالح افلاسیه رؤیتنه مخصوص اوطه سنه کللری اعلان اولنور .

### قرق کلیسا تجارت محکمه سنه :

قرق کلیساده یورکی ولفتراکی « ق » صوفیانولوس عنوانی آلتنده تشکل ایدن شرکتک شریکی یورکی صوفیانولوس ولفتراکی « ق » صوفیانولوسک مبدأ عجزی بشقه ججه اعلان ایله تعین اولنق اوزره ۱۸ تموز سنه ۳۲۳ تاریخنده اعلان افلاسیرینه ومصالح افلاسیه سنک رؤیت وتسویه سی ضمنده اعضای محکمه دن سبوح افندیلک ژورقومیسر ودعوی وکیللرندن واسیلاکی ملانیون وتجاردن دوختور قسطاکی افندیلک موقت سنديک تعینلرینه وتجارتکاهلریله اشیا زائده بیتیه سنک تمهیرینه واوراق ودفاترک جنبه واصولا کفالت مصدقه ارئه ایدهمدکلی تقدیرده حبس وتوقیفلرینه واشبو قرارک موقتاً اجراسنه قرق کلیسا بدایت محکمه سی تجارت قسمندن قرار ویرلمش اولدیغندن قانوننامه تجارتک ۱۷۰ نجی ماده سی موجبنه دائمی سنديکلاتر انتخاب اولنق اوزره ۳۲۳ سنه سی اغستوسنک یدنجی صالی کونی ساعت اوچ راده لرنده اصحاب مطلوبک محکمه مذکورنک مصالح افلاسیه رؤیتنه تخصیص اولنان اوطه سنه کللری اعلان اولنور .

### عشاق تجارت محکمه سنه :

عشاقک اوزون چارشوسنده کوشه دکانده ساکن عطاریه تجارندن لئونیدا قره بلقو وکفیلی عشاقک روم محله سنده مقیم یورکی اوغلی نیقولینک مبدأ عجزی تاریخنی تبین ایدهمجک حاله کوره تعین ایدمک اوزره ۳۰ نیشان سنه ۳۲۳ تاریخندن اعتباراً

موقتاً اعلان افلاسیرینه ومصالح افلاسیه سنک رؤیت وتسویه سی ضمنده اعضای محکمه دن یوان افندیلک ژورقومیسر ومحکمه تجارت باش کاتبی احمد لیب ودعوی وکیللرندن قره بت افندیلک موقت سنديک تعینلرینه ومغازه سیله اشیا زائده بیتیه سنک تمهیرینه واوراق ودفاترک جنبه وكفالت قویه ابراز ایدهمدکلی حاله توقیفلرینه وبوباده کی قرارک موقتاً اجراسنه عشاق تجارت محکمه سنجه قرار ویرلمش اولدیغندن قانوننامه تجارتک ۱۷۰ نجی ماده سی موجبنه دائمی سنديکلاتر انتخاب اولنق اوزره ۳۲۳ سنه سی تموزینک ایکینجی جمعیله ایرتسی کونی ساعت التی راده لرنده اصحاب مطلوبک محکمه مذکورنک مصالح افلاسیه رؤیتنه مخصوص اوطه سنه کللری اعلان اولنور .

### ساقز بدایت محکمه سی ابرار دهره سنه :

وونوس قریه لی استان پاترونلک قطراختی قریه لی آندون پاسولی ذمتنده با اعلام آله جفی بولنان مبالغ معلومه نك تأدیه وتسویه سی ایچون قطراختی قریه سنک لانتقاری موقعنده کائن شرقاً ماروقه اندریدی ودمتری پارتنه نی ایله محدود برقولاچ ترلا بشیوز غروش وینه اکسر وپیغادی موقعنده کائن حاجی یالوری ومیخال پرونی ایله محدود برقطعه ترلا ایکیوز وینه بهره کیا موقعنده کائن قسطنطیناکی وقسطی وارقه ری ایله محدود بریچق قولاج ترلا درتیوز وینه جیشایو موقعنده کائن لیونیا پاسوری وینه لونی قالیری ایله محدود برقولاچ برربع ترلا اوچیوز وینه پریسلده رونا موقعنده کائن النی اورفانو وانی غایلا ایله محدود برقولاچ برربع ترلا سکزیوز وینه لیاناریقه موقعنده کائن فوطی پوطاموسنی واناغوسنی پرونی ایله محدود برقولاچ ترلا اوچیوز وینه روقونی موقعنده کائن اربی وارقاری ودرسینا قوندو ایله محدود اوچ قولاج ترلا درتیوز وینه پاتنه لا موقعنده کائن میخال میناکی وپاندلی پارانی ایله محدود برقولاچ ترلا درتیوز غروش که جمعا مرهون بولنان سکز قطعه ترلالرینک مزایده علنیه سی بالاجرا اوچیک اوچیوز غروشده طالبی عهده سنده تقرر ایدرک موقت قراردادده سی کشیده قلمغاله تاریخ اعلاندن اعتباراً اوتوزبرکون ظرفنده یوزده بش ضم ایله طالب ویا برایلشکی اولانلرک ساقز سنجانی بدایت محکمه سی اجرا دائره سنه مراجعت ایللری اعلان اولنور .